



GOBERNU BATZARRA

2024.10.01

Alkatea: Angel Martinez de Rituerto Arregi	Tolosako udaletxean, bi mila eta hogeita lauko urriaren batean, 09:00etan, lehenengo deialdian, Tokiko Gobernu Batzarra bildu da ohiko bilera egiteko. Mahaiburu alkatea izan da eta alboan aipatutako zinegotziak agertu dira, gai-zerrenda hau aztertzeko:
Bertaratutako zinegotziak: Kristina Pelaez Errazkin Ander Figuerido Zubiria Aitor Agirresarobe Murgi	
Ez dira bertaratu: Estitxu Kortejarena Ugarte Goiuri Ezeiza Arandia	1. Akta hau onartzea: 2024ko irailaren 24koa.
Idazkaria: Begoña Garmendia Vazquez	2. CASER, S.A. (A28013050) enpresari adjuditzea Tolosako Udalaren aseguru-kontratu pribatua.
Kontu-hartzaile akzidentala: Paulino Alonso Eraso	3. Dekretu honen berri ematea: 2024/2108 Dekretua: 2024/39 faktura zerrendak.

1. AKTA HAU ONARTZEA: 2024KO IRAILAREN 24KOA.

Alkateak bilerari hasiera eman ondoren, izenburuan aipatutako akta aztertu dute.



2. CASER, S.A. (A28013050) ENPRESARI ADJUDITZEA TOLOSAKO UDALAREN ASEGURU-KONTRATU PRIBATUA.

IKUSIRIK

LEHENA.- Tolosako Udaleko udal teknikariak 2024ko ekainaren 25ean igorritako txostenean, aipatutako xedea duen kontratuaren egoerari buruzko azalpenak eman zituen eta kontratazio jardunbideari hasiera eman zion. Bertan, jardunbidea burutu ahal izateko, honako hauek eskatu zituen: administrazio baldintza partikularren plegua; preskripzio tekniko partikularren plegua; baliabide nahiko ez izateari buruzko txostena; kontratua justifikatzeko memoria; eta idazkariaren eta kontuhartzailearen txostenak.

BIGARRENA.- 2024ko uztailaren 9ean, Tokiko Gobernu Batzarrak, besteak beste, Tolosako Udalaren aseguru-kontratu pribatuaren espedientea onartu zuen eta hasiera eman zion lizitazioari.

HIRUGARRENA.- Proposamenak aurkezteko epean, CASER, S.A. (A28013050) enpresak soilik aurkeztu zuen bere proposamena.

LAUGARRENA.- Behin izapidetze guztia legearen arabera egin eta gero, 2024ko irailaren 17ean, kontratazio-mahaiak proposatu zion kontratazio-organoari erreferentzian aipatutako kontratua CASER, S.A. (A28013050) enpresari adjudikatzea honako baldintza nagusi hauetan:

- **Prezioa urtebeterako lote 1: 80.000 euro, BEZ-a salbuetsita.**
- **Prezioa urtebeterako lote 2: 103.330,95 euro, BEZ-a salbuetsita.**
- **Egikaritze epea: Kontratua 2025eko urtarrilaren 1ean sartuko da indarrean eta bi urteko iraupena izango du, urtez urte, beste bi urtez luzatzeko aukerarekin.**

BOSGARRENA.- Kontratazio-organoa zehazteko, kontratazio arloan Toki Erakundeei aplikatu beharreko arau espezifikoak jasotzen dituen xedapenak hartuko dira kontutan; SPKLren Bigarren Xedapen Gehigarriaren 1. atalean xedaturikoak hain zuzen ere.

1. Toki-entitateetako alkateen eta lehendakarien eskumena izango dira, kontratazio-organo diren neurrian, kontratu hauek guztiak: obra-kontratuak, hornidura-kontratuak, zerbitzu-kontratuak, obra-emakidako kontratuak, zerbitzu-emakidako kontratuak eta administrazio-kontratu bereziak, baldin eta haien balio zenbatetsia ez bada aurrekontuko baliabide arrunten ehuneko 10 baino handiagoa, eta ezta, inola ere, sei milioi euro baino gehiago ere; berdin gertatuko da urte anitzeko kontratuen kasuan ere, haien iraupena ez bada lau urtekoa baino luzeagoa, balizko luzapenak barne, eta,



betiere, urteroko guztien zenbateko metatua ez bada lehenengo ekitaldiko baliabide arrunten 100eko 10 baino handiagoa, ez eta sei milioi euro baino gehiago ere.

2. Osoko Bilkuraren eskumena izango da, kontratazio-organo den neurrian, aurreko apartatuan aipatutako kontratuak egitea kontratuaren balioagatik edo iraupenagatik toki-entitateko alkatearen edo lehendakariaren eskumena ez denean aurreko apartatuak xedatutakoarekin bat. Halaber, Osoko Bilkurari dagokio lege honen 121. artikuluan aipatzen diren administrazio-klausula orokorren agiriak onestea.

Kasu honetan, kontratuaren balio zenbatetsia 741.680 eurokoa denez, aipatutako aurrekontuko baliabide arrunten ehuneko 10 (3.262.690 euro) baino gutxiago da; hortaz, alkate-lehendakaria da kontratazio hau onartzeko organo eskuduna. Horiek horrela, alkate-lehendakariak 7/1985 *Legeak*, apirilaren 2koak, Toki-araubidearen oinarriak arautzen dituenak, 21.3 artikuluan xedatutakoan oinarrituz, 2023ko uztailaren 3ko 2023/1707 alkatetzaren dekretuaren bitartez erabaki zuen 600.000 eurotik gorako eta Udalaren aurrekontuko baliabide arrunten ehuneko 10a arteko balio zenbatetsia duten kontratazioetan, alkate-lehendakariari kontratazio-organo gisa ematen dizkion eskumenak Tokiko Gobernu Batzarrean eskuordetzea. Horiek horrela, **Tolosako Udaleko Tokiko Gobernu Batzarra da organo eskuduna.**

Aipatu behar da kontratazio-organoari dagozkiola, besteak beste, kontratua esleitzea, kontratua interpretatzea, kontratuan sor daitezkeen zalantzak ebaztea, herri-onurako arrazoiengatik kontratua aldatzea, kontratuari amaiera ematea eta amaiera horren ondorioak zehaztea, hori guztia SPKLren 190. eta 191. artikuluen arabera eta haren Araudi Orokorrean ezarritako muga, baldintza eta ondorioei eutsiz.

Beraz, aurreko guztia aintzat hartuta, eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENA.- Lizitazio-egintzaren baliozkotasuna deklaratzeko.

BIGARRENA.- CASER, S.A. (A28013050) enpresari adjudikatzea Tolosako Udalaren aseguru-kontratu pribatua honako baldintza nagusi hauetan:

- **Prezioa urtebeterako lote 1: 80.000 euro, BEZ-a salbuetsita.**
- **Prezioa urtebeterako lote 2: 103.330,95 euro, BEZ-a salbuetsita.**
- **Egikaritze epea: Kontratua 2025eko urtarrilaren 1ean sartuko da indarrean eta bi urteko iraupena izango du, urtez urte, beste bi urtez luzatzeko aukerarekin.**



HIRUGARRENA.- Adieraztea enpresak lizitazioa arautzen duten pleguetan xedatutakoa bete beharko duela, inolako erreserbarik gabe.

LAUGARRENA.- Erabaki horiek jakinaraztea interesdunari Kontuhartzailletza eta Diruzaintza Sailari eta Idazkaritza Orokorra, Administrazioaren Modernizazioa, Kontratazioa eta Ondare Azpisailari.

3. DEKRETU HAUEN BERRI EMATEA:

2024/2108 DEKRETUA: 2024/39 FAKTURA ZERRENDAK.

Idazkariak 2024/2108 Dekretuaren berri eman du. Honelaxe dio:

2024KFAK0002

ALKATETZA DEKRETUA

ANGEL MARTINEZ DE RITUERTO ARREGUI Tolosako Udaleko alkate-udalburuarena, bat etorrita Toki-Araubidearen oinarriak arautzen dituen apirilaren 2ko 7/1985 Legearen 21.1 artikuluan ezarritakoarekin.

KONTUAN HARTURIK

21/2003 Foru Arauak, abenduaren 19koak, Gipuzkoako Lurralde Historikoko Toki Era-kundeek aurrekontuei buruzkoak, bere 41.2 artikuluan xedatzen duenaren arabera, al-kateak aintzatetsiko ditu legez eskuratutako gastuen konpromisoetatik sortzen diren be-tebeharrak.

Hori horrela, Alkateari dagokio onartzea gastuetatik eratorritako 2024ko honako faktura-zerrenda hau:

39. zenbakia duena, 173.246,35 eurokoa.



Zerrenda horretan sartuta dauden fakturek oniritzi teknikoa daukate eta behar bezala fiskalizatuta daude.

Horiek horrela, Alkateak

E B A Z T E N D U

LEHENA.- Onartzea honako faktura-zerrenda honetako faktura guztien eta bakoitzaren gastua eta ordain ditzatela agintzea:

39. zenbakia duena, 173.246,35 eurokoa.

BIGARRENA.- Dekretu hau jakinaraztea Tolosako Udaleko kontuhartzaileari eta Tokiko Gobernu Batzarrari.

Ebazpen honek bide administratiboari amaiera ematen dio. Beraren kontra, honako errekurtsio hauek jar daitezke:

Auzibidera jo aurretik, interesdunak aukera izango du birjarpen errekurtsioa aurkezteko Alkateari hilabete bateko epean, jakinarazpen hau jaso eta biharamunetik kontatzen hasita, hala xedatuta baitago Herri Administrazioen Administrazio Prozedura Erkidea arautzen duen urriaren 1eko 39/2015 Legearen 123. eta 124. artikuluetan.

Bestela, birjarpen errekurtsioaren orde, edo errekurtsioaren erantzunaren aurka joko balu, interesatuak administrazioarekiko auzi-errekurtsioa aurkez dezake bi hilabeteko epean, erabaki honen jakinarazpena jaso eta biharamunetik aurrera. Errekurtsio hau, Donostiako Administrazioarekiko Auzien Epaitegian aurkeztuko da.

Alkateak agindu eta izenpetua, eta nik, Idazkari naizen honek, ziurtatua, Tolosan, sinaduran agertzen den datan.



TOLOSAKO
UDALA

2024IGBA0021

ALKATEA

IDAZKARIA

Angel Martinez de Rituerto Arregui

Begoña Garmendia Vázquez

Batzarkideak jakinaren gainean geratu dira.

**GAI ZERRENDATIK KANPO, ETA GAIAREN PREMIATASUNA ONARTU ONDOREN,
UDALBATZAK HONAKO GAI HAU AZTERTU DU:**

**4. "MENDIZABAL ELDUAYEN FAMILIAK "6.1 SAN KOSME ETA SAN DAMIAN"
AZPIESPARRUKO BIRPARTZELAZIO-PROIEKTUA OFIZIOZ BERRIKUSTEKO
AURKEZTUTAKO ESKAERAREN AZTERKETA".**

Udalbatzak aho batez

ERABAKI DU

2024ko irailaren 24an Tokiko Gobernu Batzarrak hartutako ebazpena bertan behera uztea,
Udalbatza Osoa delako organo eskuduna.

Eta besterik gabe, bilera amaitutzat jo dute 09:30ean.

ALKATEA

IDAZKARIA



Sinaduren laburpena / Resumen de firmas

Titulua / Título:

2024IGBA0021-2024/10/01 akta/2024/10/01 akta ()